

清末民初文獻叢刊

日本源流考

〔第二冊〕

〔清〕王先謙 著



清末民初文獻叢刊

日本源流考

(第二冊)

〔清〕王先謙 著



朝華出版社
BLOSSOM PRESS

日本源流考卷九

長沙王先謙益吾撰

後朱雀天皇

日本史後朱雀天皇諱敦良後一條同母弟也寬弘六年十一月丙子生於外祖左大臣藤原道長上東門第七年正月爲親王長和四年十二月始讀書寬仁元年八月立爲皇太弟三年八月冠長元九年夏四月乙丑後一條帝崩羣臣就昭陽舍奉劔璽於皇太弟皇太弟踐阼關白左大臣賴通右大臣兼右近衛大將藤原實資內大臣兼左近衛大將藤原教通並如故五月丙申葬後一條秋七月丙戌天皇卽位於太極殿時年二十八九月辛巳後一條皇后藤原氏崩甲午葬皇后

丁酉長祿元年日本史春二月丙辰立禎子內親王爲中宮三月

甲戌朔改中宮爲皇后立女御嫺子爲中宮夏四月癸亥改元秋

八月丙戌立皇子親仁爲皇太子

戊寅元長祿二年

己卯長祿三年日本史春二月己卯延祿寺僧徒聞朝廷將以園

城寺僧明尊爲座主詣關白賴通第訴之者三千餘人守門不去

使兵士驅之捕首惡下獄三月丁未延祿寺僧徒火賀陽院索捕

下獄日本國志是爲僧徒橫肆之始夏五月丙戌禁內火天皇避之太政官朝所

秋七月壬寅徙御京極院乙卯大赦八月丁亥中宮藤原氏崩

庚辰元長久元年日本史夏四月甲午盜殺前肥後守藤原定任

敕閉關搜索下符諸國購之五月丙辰京師盜賊帶弓箭往來連

夜行火又有羣僧殺掠行人設賞捕之丙子盜入宮中竊御衣是

月京師多暴死者久之不止秋九月庚申地大震辛酉京極院火

天皇避之法成寺遷御故正三位藤原惟憲家神鏡罹災收其燼
餘冬十月甲辰徙御內大臣藤原教通二條第辛亥地大震十一
月辛酉改元十二月丙午行幸平野及還宮和泉民闢訴於路
辛慶厓長久二年日本史冬十一月甲寅以天變大赦十二月甲
午宮成徙御

壬二長久三年日本史冬十二月丁未禁中火天皇避之太政官
朝所

癸三長久四年日本史春三月庚寅徙御一條院夏五月大旱冬
十二月甲午朔一條院火天皇避之關白賴通賀陽院第甲寅徙
御東三條院

甲四寬德元年日本史夏五月己巳以關白賴通疾大赦六月自
正月至是月天下疾疫死者盈路冬十一月壬午改元

乙二 寬德二年日本史春正月丁卯大赦先是天皇視除目見大

人於四季屏風上驚悸得疾癸酉大漸讓位於皇太子上尊號曰

太上天皇乙亥薙髮法名精進行崩於東三條院年三十七火葬

於香隆寺藏御骨於圓教寺稱後朱雀院天皇頗睿明然關白賴

通專權以故垂拱仰成無所施爲世以爲憾焉又后禎子三條藤

原嬉子攝政道長女中宮藤原嫺子敦康親王女女御藤原生子關白藤

藤原延子右大臣賴宗女子二禎子生後三條帝嬉子生後冷泉帝

後冷泉天皇

日本史後冷泉天皇諱親仁後朱雀長子也母贈皇太后藤原嬉

子萬壽二年八月壬子生於外祖前太政大臣道長京極第未幾

喪恃後朱雀尙在東宮以故養於上東門院長元元年入居東宮

七年十月始讀書九年四月後朱雀踐阼出居高陽院十二月爲

親王長麻元年七月冠於禁中授三品八月立爲皇太子明年正月徙凝華舍寬德二年春正月癸酉皇太子自京極第入東三條院受禪尊後朱雀曰太上天皇立尊仁親王爲皇太弟關白左大臣賴通右大臣藤原實資內大臣兼左近衛大將藤原教通並如故是日還京極第乙亥上皇崩二月戊申葬後朱雀天皇夏四月甲午天皇卽位於太極殿時年二十一秋八月甲子追尊所生尙侍藤原氏曰皇太后庚辰還御京極院冬十二月丁卯徙御太政官朝所

丙六 永承元年日本史春二月己卯太政官朝所火天皇避之大膳職夏四月甲子改元丙午京師洪水秋七月戊子立章子內親王爲中宮冬十月甲寅宮成遷御

丁七 永承二年日本史冬十二月甲子筑前人清原守武坐私往

宋流於佐渡

戊子八 永承三年日本史冬十一月丙申禁內火天皇避之太政官

朝所甲辰徙御京極院庚戌太宰府獻宋厯

己丑皇祐 永承四年

庚寅二 永承五年日本史冬十一月癸丑朔日南至大赦

卯辛三 永承六年日本史春二月甲午立女御藤原寬子爲皇后三

月乙亥作木雞較製造優劣爲戲謂之雞合夏五月甲寅菖蒲根

合宴樂終日帝親吹笛秋七月丁卯冷泉院成徙御

壬辰四 永承七年

癸巳五 天喜元年日本史春正月壬子改元秋七月不豫丁巳以皇

居有忌徙御關白賴通賀陽院第八月庚戌大赦禳天變禱不豫

甲午至和 天喜二年日本史春正月癸酉賀陽院火徙御冷泉院二

月庚戌又徙御關白賴通四條第秋九月辛巳遷御京極院冬十二月丁酉京極院火天皇避之民部卿藤原長家三條第丁巳徙御四條第

乙二天喜三年日本史夏六月甲午造一條院

丙嘉祐天喜四年日本史春二月甲辰一條院成徙御秋八月壬

子先是陸奧俘囚安倍賴時作亂命前陸奧守兼鎮守府將軍源賴義討之

丁二天喜五年日本史秋九月乙亥鎮守府將軍源賴義奏安倍賴時伏誅餘黨未平請徵諸國兵并輸糧穀冬十一月賴義與賴時子貞任戰敗績十二月丁卯以源賴義復爲陸奧守源齊賴爲出羽守討安倍貞任

戊三康平元年日本史春二月丁卯禁內火延及太極殿中院朝

集堂是後京師數火秋八月丁卯改元

己四 康平二年日本史春正月癸卯一條院火壺切劒焚天皇避

火上東門院室町第二月癸酉遷御關白賴通三條第三月壬寅

以賴通疾大赦夏五月乙未大雨洪水是歲盜累行火皇居

庚五 康平三年日本史秋八月丁卯賀陽院成徙御

辛六 康平四年日本史冬十二月己亥以賴通爲太政大臣關白

仍舊

壬七 康平五年日本史秋九月丙午關白賴通罷太政大臣安倍

貞任伏誅其弟宗任等率族降賊徒悉平

癸八 康平六年日本史春二月己亥賞源賴義及子義家義綱清

原武則等軍功進官爵有差

甲英宗治 康平七年日本史春三月伊豫守源賴義以降虜至自

陸奧朝議不許降虜入京乙丑官符降虜安倍宗任正任眞任家

任等并家屬安置伊豫日本外史二源氏上賴信子賴義沈斷有

弓殢猛獸平直方奇其材藝以女妻之既而賴義夢入幡神賜劍

其妻有姪生子賴義喜曰此兒必興我家因名曰義家及長冠於

八幡祠前稱八幡太郎爲人英果善射每有征行未嘗不從賴義

爲相模守州俗好武賴義義家撫以恩威豪傑爭服樂爲之用當

是時陸奧豪族安倍賴時并諸部落爲六郡酋長國守與秋田城

介合兵伐之賴時逆擊大敗之白河關以北傳海盡叛附焉朝議

以賴義爲陸奧守與義家及次子義綱率兵赴伐會大赦賴時解

兵而降臣事賴義賴義遂兼鎮守府將軍永承七年任滿將還入

府視事賴時厚犒其軍既罷歸國府宿於阿栗川有人夜襲藤原

光貞營初賴時長子貞任請婚於光貞不聽以故報之也於是賴

義欲執貞任賴時乃舉兵反據衣川關賴義奏請再任發兵伐之

賴時壻藤原經清平永衡來屬官軍或告永衡與虜有私賴義捕

永衡斬之經清亦不自安遁歸於賴時賴時族富忠勇而有眾賴

義以敕旨諭應官軍賴時亦親往說之賴義令富忠伏兵要擊獲

賴時誅之而貞任軍猶張貞任親往說之賴義令富忠伏兵要擊獲

飢糧食不給天喜五年賴義奏請徵兵食其十一月自將兵千八

百擊貞任於河碕會大風雪人馬凍飢貞任以選兵四千戰於烏

海縱左右翼大敗我軍我軍所餘僅六騎虜急圍之矢下如雨賴

義義家皆傷馬從騎下而授之義家與藤原範明等縱橫奮擊虜

兵相警曰八幡太郎也遂退去賴義既免乃奏兵食不至遠近皆

考乙後冷泉

五

然且出羽守不與臣戮力於是詔罷出羽守新守至亦不敢來援
貞任勢益張令經清以私符徵官物令曰用白符勿用赤符赤符
官符也賴義益困對守數歲康平五年任滿詔高階經重代任國
民茲賴義不服經重不得已而去於是賴義矢必滅虜使人
說出羽酋清原光賴及弟武則論以大義七月武則率子弟以下
萬餘人而至賴義以三千人會議於營岡爲七陣以武則等分將
之而自將第五陣進至萩將攻小松柵以凶日不果會清原氏
候騎誤失火民家柵中大器賴義謂武則曰機不可失拘日何爲
對曰我兵怒如火宜及此時用之乃遣騎兵絕其衝路而步兵薄
攻之深江是則等以死士冒險入柵虜大擾貞任令弟宗任出戰
賴義以麾下橫擊破之虜游軍又襲我第七陣亦擊大破之虜遂
棄柵走乃焚柵而退會霖雨畱旬餘磐井以南盡應宗任侵奪我
糧道賴義分兵赴拒九月貞任瞰我兵寡以精騎八千來襲武則
曰我客兵糧乏利在速戰彼不坐困之而來戰是自授首也賴義
大喜爲長蛇陣遂戰半日大破之追走至磐井河曰吾欲乘機遂
擣其巢穴也則令武則以八百騎夜追之武則更揀死士五十自
間道焚貞任營內外合擊虜軍大亂走保衣川之險賴義義家進
攻之河水方漲武則等戰不利見河岸有樹覆水武則使矯捷者
攀樹踰河縱火虜營貞任駭走賴義追擊連破二柵進拔烏梅柵
乃會將士飲謂武則曰吾得至於此子之力也子視吾面目奚若
也對曰臣爲將軍執鞭何力之有將軍盡忠於天子暴露於野十
餘年頭髮皆白天地爲動將士爲奮破虜如決河臣今視將軍髮
復半黑也卽獲貞任則全黑矣賴義喜又進破三柵追貞任至廚
川柵柵據水澤高壘深塹中植刃以死守之殺我兵數百人賴

義令壞人家堙塹下馬遙拜京師手取火號爲神火投之會風起
壘柵皆火我軍因急圍之虜殊死戰武則解其一角虜逃走賴義
擊鑿之貞任乃獨身出闕我兵叢刺之賴義數其罪斬之及子千其
至賴義視之腰圍七尺長稱之賴義命用鈍刀斬之曰猶能用白符乎宗
弟重任經清亦被縛至賴義有所虜掠美女數十人盡分賜將士六年
任等皆降賴義見柵中有所獻闕下詔敘正四位下任伊豫守敘義
二月使人齎貞任以下首獻闕下詔敘正四位下任伊豫守敘義
家從五位下任出羽守義綱爲左衛門少尉清原武則爲鎮守府
將軍八月賴義建八幡祠於鎌倉鶴岡賽戰功七年春賴義義家
以諸降虜入朝奏請賞有功將士朝議未許以故未赴任任國不
登以私資濟貢賦如是二年上書請重任曰臣聞人臣建功受
恩賞和漢古今所同也是以或有起徒隸而係金紫出卒伍而至
將相者賴義以功臣之裔效恪勤之節舊矣適東夷蜂起侵盜郡
縣鈔略人民六郡之地不服皇威者數十年矣及於近歲日益猖
獗賴義以永承六年受任彼州至天喜中兼帥鎮府臣銜鳳皇之
詔以向虎狼之國被堅執銳身受矢石暴露千里之外而出入萬
死之途藉天子之威與將卒之力終得奏其功渠帥安倍貞任
藤原經清等皆伏誅戮傳首京師其餘醜虜安倍宗任等束手歸
降埽其巢窟收之縣官叛逆之徒皆爲王民乃蒙錄功績得守伊
豫臣忝聖恩欽荷不暇而以鎮服餘燼猶畱奧地且征戰之際有
功勞者十餘人爲請抽賞未得裁許是以不敢赴任況去歲九月
被賜任符遲引之罪出不獲已四歲之任空過二稔不能徵納官
物而封家納官督責如雲仍以私物且償進濟聞彼州吏言頻年
旱凶田無秋實民有菜色臣謹按傍例延莅境之年限以救闔國

多山後令泉

六

之潤弊者其人實繁況致希世之功者甯無殊常之恩昔班超以三十年平西域今賴義以十二歲誅東夷遲速優劣採擇非難饒無受千戶之封曷不許重任之典望請天恩哀矜臣意忝賜允可使臣徐得處興復之計以致辦濟之方臣不任懇款

乙二 治麻元年日本史秋八月己丑改元冬十月丙午大赦

丙三 治麻二年

丁四 治麻三年日本史冬十二月己酉賴通罷關白特敕咨詢政

事

戊神宗熙 治麻四年日本史夏四月丁巳以左大臣藤原教通爲

關白戊午尊皇太后曰太皇太后改中宮曰皇太后皇后曰中宮

立準三宮藤原歡子爲皇后庚申天皇崩於賀陽院年四十四火

葬於船岡西野藏御骨於圓教寺稱後冷泉院又中宮章子後一條女

皇后藤原寬子關白賴 藤原歡子關白教通女

後三條天皇

日本史後三條天皇諱尊仁後朱雀第二子也母陽明門院禎子
內親王長元七年七月乙巳生於春宮亮源行任第九年十二月
爲親王長久三年十一月始讀書寬德二年正月後冷泉受禪立
爲皇太弟永承元年十二月冠治祿四年夏四月庚申後冷泉崩
關白教通率公卿侍臣奉劔璽於閑院皇太弟踐阼關白左大臣
教通右大臣兼左近衛大將藤原師實內大臣兼右近衛大將源
師房並如故五月丙子葬後冷泉天皇六月丙寅徙自閑院御大
納言藤原信長大宮第秋七月辛卯天皇卽位於太政官廳時年
三十五卽位官廳始於此八月甲寅造太極殿九月癸酉遷御關
白教通二條第冬十二月己酉二條第火避之閑院累代內印多
亡丙寅遷御大宮第

己酉 延久元年日本史春二月甲寅上太皇太后號曰陽明門院

夏四月己酉改元甲子立貞仁親王爲皇太子六月丙辰徙自大宮第御賀陽院秋七月丁卯尊皇太后爲太皇太后中宮爲皇太后立馨子內親王爲中宮八月己未朔遣前駿河守平維盛檢非違使源家宗等於大和捕金摩多山賊致親姓關冬閏十月丁卯致親伏誅甲戌始置記錄所於太政官朝所十一月癸巳朔日南至大赦

庚三延久二年日本史春三月甲寅以關白教通爲太政大臣職仍舊

辛亥延久三年日本史秋八月壬戌關白教通罷太政大臣

壬五延久四年日本史夏四月太極殿成甲子臨御冬十二月不豫讓位於皇太子徙御飛香舍上尊號曰太上天皇太上天皇辭尊號白河帝不從出居二條第世稱一院五年四月病劇欲御圓

宗寺而終焉不果徙御但馬守源高房大炊御門第是月薙髮法
名金剛行初園成寺奏請建戒壇而以延麻寺沮之不可其奏又
以大僧都勝範爲天台座主以故園成僧徒不平之法皇以爲新
羅明神崇致疾自作祭文禱之無驗五月庚戌法皇崩於大炊御
門第年四十火葬於神樂岡南藏御骨於禪林寺置國忌於圓宗
寺稱後三條院初後朱雀帝遺詔欲傳位於後冷泉帝以次及帝
而帝無外戚之援事殆寢賴大納言藤原能信言得立爲東宮日本
國志初後朱雀帝大漸將讓位欲立尊仁爲新帝諸貳告賴通賴
通以非藤原氏出曰事未晚也賴通退藤原能信進御牀曰陛下
欲以第二宮付何僧帝曰將置之東宮何謂付尙方有劒名壺切
之僧曰若然事不可過今日帝悟卽日立之必傳東宮及帝爲皇太弟關白賴通不肯上曰縱雖正位青闥自
非藤原氏出則不可得帝聞之曰一劒何用我不欲焉及卽位後
教通上之其在東宮孤立無援一日有罪人逃匿宮側別當源經